

**30 НОЯБРЯ: Преподобнаго Никона, игумена честныя обители
Живоначальныя Троицы, ученика Сергия чудотворца.**

Вечером 29 ноября

Изменяемое №1

На Господи воззвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония азриши, Господи, Господи, кто постоит; яко у Тебе очищение есть.

Глас 6: Весь от юности Господу возложился еси, / Никоне преподобне, / земную красоту и славу в ничтоже вменив, / Христа единого возлюбил еси, / и, Того Крест на рамена взем, / Божественно вооружився, / Лавры великаго Сергия достигл еси, / и от него посылаемь бываеши / к духовному настоятелю Афанасию, / и тамо желаемых тобою от него сподобляеши. / И ныне на Небесех со Ангелы Троице предстоя. / Никоне отче наш, / моли спастися душам нашим.

Стѹх: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Страшное Христово пришествие / в сердце твоём приим, Никоне преподобне, / разумно мимотекущих жития уступил еси / и, славу маловременную презрев, / молчание восприял еси: / на земли бо мужески подвижался еси / и плоть потщался еси покорити духу, / душу же и ум от страстей очистив, / ревновал житию великаго Сергия. / С нимже ныне на Небесех Престола Владыки всех предстоиши, / со дерзновением моляся о душах наших.

Стѹх: От стражи утренния до нощи, от стражи утренния, да уповает Израиль на Господа.

Преподобне отче Никоне, / измлада возлюбив доброту Владычню / и к Тому желание невозвратно имея, / отечество и род оставил еси;

богáтство и слáву возненавѣдев,/ Христú единому послéдовал еси;/ равноáнгельно во обѣтели Пресвятѣя Трѳицы пожѣв,/ оградú монашествующим создáл еси./ И ныне на Небесéх со Áнгелы Трѳице предстоѣши,/ Нѣконе преподѳбне,/ со дерзновѣнием моляся о душáх нáших.

Стúх: Яко у Гѳспода мѣлость, и многое у Него́ избавлѣние, и Тѳй избáвит Изрáиля от всéх беззакѳний его́.

Глас 4: Егда́ Божѣственное рачѣние нáйде на тя, блажѣнне Нѣконе,/ тогда́, мирскáя мудровáния далѣче отрѣнув,/ к Божѣственному Сѣргию притѣкл еси,/ и от него́ наставляемь,/ посылáешися в монастѣрь, Высо́кое нарицáемо,/ к того́ ученикú Афanáсию;/ и тáмо ѳбраза монашескаго и свящѣнства сподобляешися,/ многим добродѣтели ѳбраз быв./ Тѣмже мѳлим тя:/ моли́, преподѳбне, спасти́ и просветѣти дúши нáша.

Стúх: Хвалѣте Гѳспода всѣ язы́цы, похвалѣте Его́ всѣ лю́дие.

Судѳм Бѳжиим и повелѣнием вели́каго/ пáки ко отцú и пáстырю в монастѣрь прихѳдиши/ и от него́ с вели́кою любѳвию, ѳтче, приѣмлешися./ Отонúдуже и по преставлѣнии духѳвнаго твоего́ отцá/ пáстырь от него́ поставляешися тоя́же обѣтели,/ идѣже цѣрковь прекрáсну в слáву Святѣя Трѳицы,/ преподѳбне Нѣконе, воздвѣгл еси,/ Ю́же непрестáнно о всех чтúщих тя моли́/ спасти́ и просветѣти дúши нáша.

Стúх: Яко утвердѣся мѣлость Его́ на нас, и ѣстина Господня́ пребывáет во вѣк.

Егда́ Божѣственное наѣтие нáйде на тя, преподѳбне,/ тогда́ мирскáя возненавѣдел еси,/ и Христú прихѳдиши,/ и, Того́ ярѣм взем,/ по стопáм блажѣннаго Сѣргия изво́лил еси́ ходѣти,/ идѣже ѳбраз многим добродѣтели быв/ и многим воздержáнием и молѣтвами/ подѳбник твоемú отцú во всем./ Тѣмже мѳлим тя,/ моляся, преподѳбне, спасти́ и просветѣти дúши нáша.

Слáва, глас 2: Желáнием бúдущих, преподѳбне,/ добродѣтельно пожѣл еси́,/ чистотѳю душѣвною спасѣтельныя путѣ прошѣл еси́/ и гѳрдаго змия воздержáнием убѣл еси́,/ Небѣсная же во́инства удивѣл еси́ терпѣнием твоѣм,/ чѣстое приятѣлище Дúха Пресвятáго, ѳтче, был еси́./ И сего́ рáди от Вседѣтельныя Деснѣцы венчáлся еси́/ и

чудес дарований от Него сподобился еси:/ моли спастися душам нашим.

И ныне, Богородичен: Прейде сень законная,/ благодати пришедши:/ якоже бо купина не сгараше опаляема,/ тако Дева родила еси/ и Дева пребыла еси./ Вместо столпа огненнаго/ праведное возсия Солнце,/ вместо Моисея – Христос,/ спасение душ наших.

<далее см. основной Чин>

Изменяемое №2

Прокимен после «Свете тихий»: *См. Прокимен дня <далее см. основной Чин>*

Изменяемое №4

Лития глас 1:

Днесь ликовствуёт радостно Божественная и великая Лавра/ и хвалится твоими Богоугодными деянии,/ имеящи твою святую мощи, блаженне Никоне,/ от нихже святую почерпаем обильно:/ подаёт бо здравие/ с верою притекающим к честной твоей раце./ Темже, просвещаясь тобою, глаголем:/ сподоби и нас славы Небесных Христовых, блаженне,/ и твоё стадо сохраняй/ и спаси души наша.

Глас 2: Память твою во век пребывает,/ преподобне отче Никоне,/ и кротость сердца твоего, угодниче Христов блаженне, просия/ паке солнечного сияния,/ озаряючи верных сердца,/ ибо воистинну честная рака Божественных мощей твоих,/ яко труба, велегласно свидетельствует,/ благоухаючи благодатию Пресвятого Духа,/ и прогоняючи мрак греховный,/ и нас научаючи благодарити и славити Бога,/ тебе прославльшаго.

Великая слава жития твоего, отче наш Никоне,/ вся, яже земная, оставив,/ единого Христа возлюбил еси/ и, Тому служа чистою совестью,/ на земли Ангельски пожил еси,/ демонская вышняя разорил еси,/ возшед на высоту Небесную:/ блажен еси, яко тако Христу работал./ Темже и мы, тобою путь жизни познавше,/ ты непрестанно убожаем.

Слава, глас 2: Преподобне и Богоблаженне отче наш Никоне,/ град живущий Божий,/ выше разума благих восприял еси желания./ Ангельское житие совершив,/ и ныне на Небесах водворяешься,/ исперва подобно доброту образа сохранив/ и на подобстве, якоже

мощно,/ восход безпакостно обрёт,/ и, Бóгу со дерзновением
предстоя,/ зеркалом разумным чисто зрishi Святую Троицу;/ за
чтущия ты верою и любовью помолися,/ отче наш Никоне.

И ныне, Богородичен: Прейде сень законная,/ благодати пришедши:/
якоже бо купина не сгараше опаляема,/ тако Дева родила еси/ и Дева
пребыла еси./ Вместо столпа огненного/ праведное возсия Солнце,/
вместо Моисея – Христос,/ спасение душ наших.

<далее см. основной Чин>

Изменяемое №5

По полиелѣи седáлен *глас 8:*

Мудрости измлада подобию навѣик/ и сего ради вся, яже в мире,
возненавидев, преподобне,/ Христа единого возлюбил еси./
Отонудуже духовному твоему отцу всеконечно послушанию вдáлся
еси,/ от негоже тояже обители пастырь преславно устрояеши,/ и
многим в добродетели образ быв:/ с нимже молися Господу, Никоне
преподобне,/ грехов оставление даровати чтущим любовь святую
память твою.

Слава, и ныне, Богородичен: Яко Деву и едину в женах, Тя, без семене
рождшую Бóга плотию,/ вси ублажаем, роди человечести:/ огонь бо
вселися в Тя Божества/ и, яко младенца, дойши Зиждителя и
Господа./ Тем, Ангельский и человеческий род, достойно славим
пресвято́е Рождество́ Твое́/ и согласно вопи́ем Ти:/ моли́ Христа́ Бóга
согрешений оставление даровати/ поклоняющимся верою
пресвято́му Рождеству́ Твоему́.

<далее см. основной Чин>

Изменяемое №6

Степѣнна, 1-й антифóн 4-го глása.

Прокѣмен *глас 7:* Честна́ пред Господем смерть преподобных Егó.

Стих: Что воздám Господеву о всех, яже воздаде́ ми?

<далее см. основной Чин>

Изменяемое №7

По 50-м псалмѣ стихѣра *глас 6:*

От юности, преподобне, изволил еси Бóгу работати,/ тогда́
духовное рачение распали́ душу твою́,/ и, вскорѣ родители оставив,/
великаго отца́ достигл еси./ Он же, видев твоѣ душевное желáние,/

вмале искушение налагает/ да ты сотвори́т теплейша рачителя;/ ты же смирение показу́еши,/ реченнаго отцем достиза́еши/ и от него́ навькл еси́ добродетелем,/ ко отцу́ паки возвраща́еши/ и па́стырь поставля́еши./ И ны́не, преблаже́нне Никоне,/ предсто́я Престо́лу всех Царі́,/ испроси́ мир міру, и Це́ркве Росси́стей утвержде́ние,/ и спасе́ние душам на́шим.

<далее см. основной Чин>

Изменяемое №8

Канон преподобнаго глас 4.

Песнь 1

Ирмос: Отвѣрзу уста́ моя́,/ и напо́лнятся Ду́ха,/ и сло́во отрѣгну Цари́це Ма́тери,/ и явлю́ся, све́тло торже́ству́я,/ и воспою́, ра́дуясь, То́я чудеса́.

Премудростию́ ра́зума украша́емь, преподобне Никоне,/ весь Христу́ порабо́тился еси́, к Нему́ желание твоѐ имѐя,/ Егоче моли́ спасти́ от бед пою́щия тя.

О всех Христа́ моли́, преподобне Никоне, па́мь твою́ любви́ю пою́щих,/ изба́виться вѣчнаго муче́ния,/ да тебе́ вси, я́ко те́пла предста́теля, пе́снями велича́ем.

Христу́ весь порабо́тився, преподобне Никоне,/ и к Нему́ все желание имѐя,/ и Того́ ра́ди любве́ міра с желаньми его́ отрѣкся./ Сего́ ра́ди ты вси пе́снями ублажа́ем, Никоне всеблаже́нне.

Все твоѐ желание к Богу́ му́жески вперѣв, в Вы́шних селе́ние сотвори́л еси́ пресла́вно./ Те́мже ты пе́снями, блаже́нне Никоне, почита́ем.

А́ще и далѣче жити́ем,/ но близ ве́рою и любви́ю духо́внаго твоего́ настоя́теля,/ и с ним вку́пе пресла́вно чудеса́ твори́ши,/ вку́пе же и Бо́гу предстои́те, о всех нас моля́щися.

Богородичен: Му́дрости премудростны́я приятели́ще была́ еси́, Пренепоро́чная,/ Свой бо храм от Твои́х пречи́стых крове́й, Чи́стая,/ созда́ти благоизво́ли на спасе́ние на́ше.

Песнь 3

Ирмос: Твоя́ песносло́вцы, Богороди́це,/ живы́й и незави́стный исто́чнице,/ лик себе́ совоку́пльшия, духо́вно утверди́/ в Божѣственней Твое́й сла́ве/ венце́в сла́вы сподо́би.

Люди вся, тебе ведущия/ и заступления твоего чающия, не презри,
отче,/ но, елико мощно, предстательствуй,/ всем полезная прося
молитвами твоими.

Упование имел еси, блаженне Никоне, и прибежище всех Бога,
Того моли, молим тя, о нас,/ любовь воспевающих тя,
приснопамятне.

Божественным желанием, преподобне Никоне, разжигаемь,
мирскую красоту преобидел еси, монашеское житие возлюбив./
Темже был еси преподобным единокитель и праведным.

Богородичен: Исцелений Тв источник, в Твою утробу вшед,
показá,/ Мати Божия Пречистая,/ мою úбо дúшу исцели.

Ин кондак, прпп. Сэргию и Никону Рáдонежским, глас 8:

В постницах приобщившися Великому Антонию/ и Евфимию
Иерусалимскому поревновáвше в подвизех,/ яко Ангели, на земли
явистесь,/ просвещáюще, преподобнии, верных сердца/
Божественными знамении и чудесы повсегдá,/ сего ради радостно
вас почитáем и любовь вопиém вам:/ радуйтесь, преподобнии
отцы, Сэргие и Никоне,/ постником удобрение и всея Россйския
земли великое утверждение.

Ин úкос, прпп. Сэргию и Никону Рáдонежским:

Священная и Богомудрая двоица отец пречудная,/ на земли добре
подвигшися, целомудренно и праведно пожившая,/ постнически
испытáвшися любовь и надежду вооружившися,/ разориша
хитростне вражия коварства/ и с лики святых всех Пресвятыя
Троицы Престо́лу предстояще,/ Еяже Светом просвещáемии,
победными венцы венчáстася/ и во всем мире чудес зарями
блистающа,/ полезная нам просита от Бога молитвами вашими
Богоприятными,/ яко да радостно вас чтим и любовь вопиém
вама:/ радуйтесь, отца преблаженная, Сэргие и Никоне,/ постником
удобрение и всея Россйския земли великое утверждение.

Ин седáлен, прпп. Сэргию и Никону Рáдонежским, глас 8:

Павлово насаждение и Аполло́сово восприемый напоение/ и ваю
верою насаждение и учением напоение, иже возвращáяй Бог,/ приял

есть иноких благочестия верою,/ молитвами вашими возрастив/ и умножил есть и от того яко верна раба и делателя разумна/ и трудом возмездия достойно прияла еста, Сергие Богомудре и Никоне священне,/ Богоносная отца, пастыря и учителя,/ Христа молита стране победительная на варвары даровати/ и стадо ваше в мире сохранити и спасти души наша.

Седален, глас 3: Укрепляемь Божественною силою, преподобне Никоне,/ возмогл еси оскудение, от безбожных агарян бывшее, наполнити:/ церковь бо нову и обитель краснейшу паче воздвигл еси./ Темже ты вси ублажаем.

Слава, и ныне, Богородичен: Божественная скиния была еси Слова, едина Пречистая Мати Дево,/ чистотою Ангелы превозшедшая,/ паче всех мене, персть бывша,/ осквернена плотскими прегрешеньми,/ очисти молитв Твоих Божественными водами,/ подающи, Чистая, велию милость.

Песнь 4

Ирмос: Седяй в славе на Престоле Божества/ во облаце легце,/ прииде Иисус Пребожественный/ нетленною дланию и спасе зовущия:/ слава, Христе, силе Твоей.

Невозвратно шествовав вводящий путь к Небесному граду, Никоне преподобне,/ идеже настави ты Святыи Дух,/ обитель имея сердце твоё.

Смирение возносящее, Никоне блаженне, в сердце имел еси,/ отонудуже ты и мы молим ущедрити смирение наше.

Страстьми различными колелбемья/ и верою притекающия к твоему гробу, блаженне Никоне,/ святым твоим ходатайством вся посети милостивно к Человеколюбцу.

Мрак страстей от сердца твоего ты, преподобне Никоне, очистив,/ Христова повеления воистинну свет прием,/ в посте просиял еси, умертвив тело,/ духом же, Никоне, ожил еси.

Богородичен: Очищение всех земных,/ верою молю и припадаю, Благословенная,/ молитвами Твоими Судию и Сына Твоего милостива сотвори,/ яко да по долгу славлю Тя.

Песнь 5

Ирмос: Ужасошася всяческая/ о Божественней славе Твоей:/ Ты бо, Неискусобрачная Деве,/ имела еси во утробе над всеми Бога/ и родила еси безлетнаго Сына,/ всем воспеваящим Тя/ мир подаваящая.

Узкий и прискорбный путь шествовал еси, преподобне Никоне,/ восхожденными Божественными сердца твоего,/ аможе отца твоего наставиша ты молитвы.

От греховных болезней мя облегчи скорбных,/ и сердца моего лютость утоли,/ и согрешений оставление испроси,/ имаши бо послушающа Христа чистыя твоея молитвы.

Страсти телесныя воздержанием, отче, увядив,/ яко древо многоплодное, плод чуден приносиши Богу:/ своя чудная исправления, Никоне преподобне.

Всесветлый светильник явился еси,/ озаряя поющия ты, Никоне преподобне./ И сего ради молим тя:/ вечнаго мучения избави ны, поющия ты.

Богородичен: Ума моего уврачуй изступление, Всенепорочная,/ и исцели страсти душевныя и уныния тьму отжени,/ яко да восхвалю Тя по достоянию, Богородице Всепетая.

Песнь 6

Ирмос: Божественное сие и всечестное/ совершающе празднество,/ Богомудрии, Богоматере,/ приидите, руками восплещим,/ от Нея рождшагося Бога славим.

Свое сердце, преподобне Никоне,/ Святыя Троицы жилище и дом создал еси./ Все, верою притекающи к честней твоей раце,/ просвещение, и освящение, и очищение, всеблаженне Никоне, приемлем.

Твоя, всеблаженне Никоне, священныя и всесвятыя мочи,/ во гробе лежаще, недуги врачуют,/ демонския же полки прогоняют всегда,/ верным же источают исцеления обильная,/ тебе по достоянию присно блажащим.

Яко весь Христу приближаяся яснейши,/ помяни всех, верою поминающих тя, Никоне всечестне,/ грехов прощения у Христа прося/ и Небеснаго Царствия восприятия.

Богородичен: Еди́на всем помо́жение,/ помози́ нам, бедствующим,/ и руку подаждь, и к пристанищу введи́ спасения, Отрокови́це Богоблагодатная.

Конда́к, глас 4: Духóвному твоему́ настоятелю, óтче Никоне,/ всячески прилепíвся/ и от него́ наставляемь,/ во всем Христови поработився,/ мона́хов был еси́ чиноначальник/ и преподóбных сожитель,/ с нимиже Христа́ Бóга моли́ непрестáнно о всех нас.

И́кос: Ка́ко возмо́гу воспéти тво́я исправлénия?/ Или́ изрещи́ труды́ тво́я,/ и́миже трудíлся еси́ по отцé твоём,/ áще не ты подáси ми слóво, недостóйному рабу́ твоему́?/ Ты бо был еси́ по отцé мона́хов начальник,/ с нимиже Христа́ Бóга моли́ непрестáнно о всех нас.

Песнь 7

Ирмо́с: Не послужи́ша тва́ри, Богому́дрии/ па́че Созда́вшаго,/ но óгненное прещéние му́жески попра́вше,/ ра́довахуся, пою́ще:/ препéтый отцéв Госпо́дь и Бог, благословéн еси́.

Вся мимотеку́щая привре́менная пристра́стия, преподóбне Никоне, отрази́в,/ всю наде́жду к Бóгу стяжа́л еси́,/ И́мже де́йствуеши пресла́вная чудеса́.

Твоея́ души́ твёрдое и благостоя́нное ра́зума, преподóбне Никоне,/ ника́коже лука́вый возмо́же соврати́ти,/ Бóгу помога́ющу ти, досточúдне.

Ми́ру умертви́вся, бу́дущую жизнь насле́дил еси́, óтче,/ исцелéний Божéственную благода́ть источáеши пою́щим:/ благословéн Бог отéц на́ших.

Нельсти́вно навы́к прэ́жде тебе́ бывших отéц по́стническому жити́ю, преподóбне,/ но тех жити́ем пожíв, Богоблаже́нне, воспева́я:/ благословéн Бог отéц на́ших.

Богородичен: Глаго́лом проро́ческим послéдующе, Де́во,/ Богороди́цу, Тя испове́дуем:/ роди́ла бо еси́ отрочá всех

древнейшее, Еммануил нарицаемое./ Емуже зовем:/ благословен Бог отец наших.

Песнь 8

Ирмос: Отроки благочестивыя в пещи/ Рождество Богородичо спасло есть:/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте делая/ и превозносите Его во вся веки.

Мужествовав, победил еси страстная възграна вся,/ ум просвещен имея, возмогл еси,/ яже виде отца творяща, сия детели исполнити:/ темже ты вси ублажаем, Никоне всеблаженне.

Мыслию очищенною, премудре Никоне, Богу приближаясь,/ всем всяк быв, да Христа приобретаеши./ Темже, в Небесныя обители вселивсь, преподобне,/ дерзновенно зриши Святую Троицу,/ Юже непрестанно моли спасти вся,/ православно ты почитающия.

Серпом молитв, отче Никоне, страстная терния изсек/ и возделав воздержания ралом душевную землю,/ ввергл еси семена благочестия в ней:/ темже исцеления плоды пожинаеши.

Добродетелей ты приятелище нарицаем, преблаженне,/ яко молчания друга, и бдения делателя,/ и образ целомудрия, и молитвы жилище некрадомое,/ и чудес сокровище, и молитвенника о почитающих память твою, Никоне блаженне.

Богородичен: Мати Божия Всенепорочная,/ души моея язвы исцели,/ сласти утоли плоти моея,/ омраченное сердце мое просвети,/ и умири ум мой от всякаго вреда,/ и вражиих мя избави напастей.

Песнь Богородицы: Величит душа моя Господа: <см. основной Чин>

Песнь 9

Ирмос: Всяк земнородный/ да възграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице,/ чистая Приснодево.

Слез твоих пролиянием греховный огонь погасил еси,/ безстрастия же воду исцелений чистаго пива поющим источаеши,/ блаженне Никоне досточудне.

Ра́ка, иде́же лежи́т свято́е те́ло твоё, преподо́бне Ни́коне,/ чуде́с
благодáть источáет,/ просвещáющи нáша ду́ши и телеса́ и
обогащáющи/ предста́теля тя те́пла и засту́пника иму́щия.

Днесь с нáми собóри А́нгел и преподо́бных веселя́тся/ в па́мь
твою́, блаже́нне Ни́коне,/ с ни́ми же помина́й ны, чту́щия тя ве́рно,
досточу́дне.

Уста́ви свяще́нными твои́ми моли́твами воздвизáемое на ны
смущéние/ и челове́к всех озлоблéние,/ я́ко имéя дерзнове́ние ко
Влады́це и Бо́гу нáшему, Ни́коне досточу́дне.

Богородичен: О, па́че ума́ чуде́с Твои́х!/ Бо́жия бо Сло́ва
воплоти́вшагося, Еди́наго родила́ еси́/ па́че естества́, Ма́ти Де́во,/
вся́ческая Боже́ственным свои́м хоте́нием му́дре держа́ща и
окормля́юща. *<далее см. основной Чин>*

Изменяемое №9

Свети́лен:

Святы́ни храм был еси́, преподо́бне,/ по Боже́ственному
прича́стию ра́йский гражда́нин,/ в нёмже наслажда́еши
невозбра́нно дре́ва знáния и нетлénныя сла́вы,/ па́мь твою́,
Ни́коне преподо́бне,/ о́йже ве́рою хва́лящих тя, о́тче Богому́дре.

Сла́ва, и ны́не, Богородичен: Ра́дуйся, ве́рных похвало́;/ ра́дуйся,
преподо́бных утвержде́ние;/ ра́дуйся, правосла́вных сла́во;/
ра́дуйся, све́те су́щих во тьме;/ ра́дуйся, хра́ме пресвяты́й;/ ра́дуйся,
Бо́жий раю́;/ ра́дуйся, кля́твы разрешéние, Благослове́нная Мари́е.

<далее см. основной Чин>

Изменяемое №10

На стихóвне стихи́ры глас 2.

От ю́ности оте́ческому жити́ю поревнова́в во всем, преподо́бне,/
те́мже оста́вил еси́ вся, я́же в ми́ре, житéйская мудрова́ния,/ моля́ о
нас Человеколю́бца.

Стих: Честна́ пред Го́сподем/ смерть преподо́бных Его́.

Послуша́ния от се́рдца жела́я, му́дре,/ ми́ра и су́щих в нем
житéйских отрéклся еси́./ И сегó ра́ди в вы́шних со А́нгелы Христу́
предстои́ши,/ о всех моля́ся.

Стих: Что возда́м Го́сподеви о всех,/ я́же воздаде́ ми?

Аще и юн телом, преподобне Никоне,/ но многолетних житием
превозшел еси,/ все плотское мудрование отсеки,/ преподобному
послушанию повинулся еси.

Слава, и ныне, глас 8: Помышляя оно житие и век пребывающий,/ век
сей, яко маловременен, оставил еси/ и потщался еси тлеющими
нетленная стяжати:/ отонудуже и тело поработил еси духу,/ да
Христа единого приобретаеши./ Егоже моли спастися всем,/
любвию священную память твою/ в песнях присно почитающим.

<далее см. основной Чин>

Утром 30 ноября

Изменяемое №11

По 1-м стихословии седальны глас 4:

Век, иже на земли, яко преходящий, возненавидев, блаженне,/ и
век он, яко непреходящий, от сердца возлюбив,/ емуже и наследник
явился еси./ О всех нас Христа моли, присно в песнях, преподобне,/
твою память почитающих.

Слава, и ныне, Богородичен: <далее см. основной Чин>

Изменяемое №12

По 2-м стихословии седальны глас 2:

Монашеское житие от сердца, преподобне, возлюбив,/ и сего ради
мир и яже в мире возненавидев, блаженне Никоне,/ духовному
твоему отцу послушанием искренним вдалься еси./ С нимже Господу
молися спастися всем нам.

Слава, и ныне, Богородичен: <далее см. основной Чин>

Изменяемое №13

Тропарь глас 1:

Послушания добрый рачитель быв,/ преподобне Никоне
приснопамятне,/ Церковь бо прекрасну Святыя Троицы/ в похвалу
отцу твоему воздвигл еси./ Темже и мы, чада твоя, любвию вопием
ти:/ слава Давшему ти крепость,/ слава Венчавшему тя,/ слава
Действующему тобою всем исцеления.

Тропарь, преподобным Сергию и Никону Радонежским, глас 8:

Яко трисветлаго солнца светозарная звезды,/ Тройческим светом
озаряета сердца верных,/ сосуды Света Пресвятыя Троицы

явльшеся,/ и предивным вашим житием иноком бысте твердии законоположителие,/ и церквам благолепие, и благоверным, и святителем, и всем людем,/ вся бо демонския скверны отгнавше отсюду/ вашими чистыми учении и делы,/ добре упасосте стадо, собранное вами,/ но и ныне молим вас: посещайте чад своих,/ яко имущие дерзновение ко Святей Троице,/ Богомудре, Сергие с чудным учеником своим Никоном,/ и молитв Христа Бога да спасет души наша.

<далее см. основной Чин>

Изменяемое №14

На хвалитех стихирь:

Стих: Сотворити в них суд написан./ Слава сия будет всем преподобным Егб.

Стих: Хвалите Бога во святых Егб,/ хвалите Егб во утвержении силы Егб.

Стих: Хвалите Егб на силах Егб,/ хвалите Егб по множеству величества Егб.

Глас 6. Великая исправления постнических подвигов великаго отца, воистинну чуднаго Сергия,/ Никоне блаженне,/ привлечоша тя желанне постническому словию,/ и дивно добродетелем его вообразя тому сожитием,/ и сострадалец подвигом доблествен,/ яко ученик того истинен,/ учитель же художен того чадом./ И ныне молися, преподобне,/ помилватися душам нашим.

Стих: Хвалите Егб во гласе трубнем,/ хвалите Егб во псалтири и гуслех.

Великая исправления постнических подвигов великаго отца, воистинну чуднаго Сергия,/ Никоне блаженне,/ привлечоша тя желанне постническому словию,/ и дивно добродетелем его вообразя тому сожитием,/ и сострадалец подвигом доблествен,/ яко ученик того истинен,/ учитель же художен того чадом./ И ныне молися, преподобне,/ помилватися душам нашим.

Стих: Хвалите Егб в тимпане и лице,/ хвалите Егб во струнах и органе.

Множество подвигов и погов твоих постнических/ раздражиша сопостата праведных,/ наведе бо языки раскопати жилище честное,/ но погы преподобнаго великаго Сергия/ во веки сияют пред Богом./ Темже тобою паче утверди/ и больше сие распространить,/ но молим тя, преподобне,/ подвигнув великаго на молитву,/ возбраняй присно

ва́рвар стремле́ние/ и никогда́ же попусти́ обороти́, Никоне блаже́нне.

Стіх: Хвалі́те Его́ в кимва́лех доброгласных, хвалі́те Его́ в кимва́лех восклицáния./ Всякое дыха́ние да хва́лит Го́спода.

Дре́во доброве́твенно, се́нно и благопло́дно,/ на вода́х прекра́сно жи́зненных вои́стинну насажде́нное,/ пита́ющее приходя́щая и осеня́ющее опаля́емая,/ ты еси́, о́тче преподо́бне,/ напая́емь уче́нии Серге́я,/ и́миже пита́л еси́ тво́я ученики́./ Те́мже мо́лим тя:/ осени́ лю́ди, заступа́я от язы́ческих нашест́вий,/ низлага́я их пре́жде воста́ния./ Нас же в ми́ре соблюди́, Никоне, тво́ими моли́твами.

Сла́ва, глас 2: Па́мь пра́ведника – ра́дость боя́щихся Го́спода,/ хвала́ бо его́ – сла́дость ве́рных есть:/ блаже́н бо вои́стинну,/ его́же избра́ и прия́т Го́сподь./ Те́мже мы, веселя́щися,/ почита́ем па́мь преподо́бнаго,/ ему́же ны́не в па́мь его́ моля́щися,/ я́ко иму́щу дерзнове́ние,/ о побе́де нам на язы́ки проти́вныя,/ е́же низложі́ти воста́ющия непра́ведно,/ подáти же мир ми́ру, и це́рквам единомы́слие,/ и душа́м на́шим ве́лию ми́лость.

И ны́не, Богоро́дичен: <см. основной Чин>

[Изменяемое №15](#)

[Кондак](#) *глас 4:*

Духо́вному тво́ему настоя́телю, о́тче Никоне,/ вся́чески прилепи́вся/ и от него́ наста́вляемь,/ во всем Христо́ви порабо́тився,/ мона́хов был еси́ чинонача́льник/ и преподо́бных сожи́тель,/ с ни́миже Христа́ Бо́га моли́ непреста́нно о всех нас.

Кондак преподо́бным Серге́ю и Никону́ Радо́нежским, глас 8:

В по́стницах приобщи́вшися Вели́кому Анто́нию/ и Евфи́мию Иерусали́мскому поревнова́вше в по́двизех,/ я́ко а́нгели, на земли́ яви́стися,/ просвеща́юще, преподо́бнии, ве́рных серде́ц/ Божество́нными зна́мени и чудесе́и повсегда́,/ сего́ ра́ди ра́достно ва́с почита́ем и любóвию вопи́ем ва́м:/ ра́дуйтесе́, преподо́бнии отцы́ Серге́е и Никоне,/ по́стником удо́брение и все́я Росси́йския земли́ вели́кое утвержде́ние.

<далее см. основной Чин>

[На Литургии](#)

Прокимен, глас 7: Честна́ пред Го́сподем/ смерть преподо́бных Его́.

***Стих:* Что возда́м Госпо́деви о всех, яже воздаде́ ми?**

**Аллилу́я, глас 6: Блаже́н муж, боя́йся Го́спода, в за́поведех Его́
восхо́щет зело́. *Стих:* Си́льно на земли́ бу́дет се́мя его́.**